

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK

Broj: 02-05-1497/16

Lukavac, 26.12.2016. godine

Na osnovu člana 70. a u vezi sa članom 68. stav (1) i članom 69. stav (2) tačka e) Zakona o javnim nabavkama („Sl. glasnik BiH“, broj: 39/14) Općinski načelnik d o n o s i

O D L U K U

o poništenju postupka javne nabavke

Član 1.

Poništava se postupak javne nabavke za izgradnju i rekonstrukciju primarne distributivne mreže u naselju Poljice Gornje, I faza, općina Lukavac-LOT 1 , jer ne postoji mogućnost preraspodjele dodatnih sredstava sa druge budžetske pozicije.

Član 2.

Ova odluka objavit će se na web stranici ugovornog organa (www.lukavac.ba).

Član 3.

Ovom odlukom stavlja se van snage odluka o izboru najpovoljnijeg ponuđača-LOT 1 broj: 02-05-1497/16 od 28.11.2016. godine.

O b r a z l o ž e n j e

Na osnovu otvorenog postupka broj: 719-1-3-63-3-47/16 objavljenog na portalu javnih nabavki dana 18.10.2016. godine proveden je postupak prikupljanja ponuda za izgradnju i rekonstrukciju primarne distributivne mreže u naselju Poljice Gornje, I faza, općina Lukavac-LOT 1 .

Ponude su dostavili sljedeći ponuđači:

1. KONZORCIJ: „Siddik“ d.o.o. Poljice i „Adab“ d.o.o. Poljice u ukupnom iznosu od 186.031,00 KM bez PDV-a,
2. "ROADING" d.o.o. Gračanica u ukupnom iznosu od 202.732,50 KM bez PDV-a i
3. TEHNOGRAD d.o.o. Tuzla u ukupnom iznosu od 231.566,50 KM bez PDV-a.

Komisija za provođenje postupka javne nabavke je utvrdila da ponude ponuđača KONZORCIJ: „Siddik“ d.o.o. Poljice i „Adab“ d.o.o. Poljice, "ROADING" d.o.o. Gračanica i TEHNOGRAD d.o.o. Tuzla su prihvatljive. Takođe, Komisija je ponudu ponuđača KONZORCIJA: „Siddik“ d.o.o. Poljice i „Adab“ d.o.o. Poljice u vrijednosti od 186.031,00 KM bez PDV-a ocijenila kao najpovoljniju prema kriteriju najniža cijena, te shodno članu 70. Zakona, jednoglasno dala preporuku za donošenje Odluke o izboru- LOT 1 broj: 02-05-1497/16 od 28.11.2016. godine kao najpovoljnije za predmetnu nabavku. Aktom broj: 02-05-1497/16 od 28.11.2016. godine traženo je da ponuđač KONZORCIJA: „Siddik“ d.o.o. Poljice i „Adab“ d.o.o. Poljice dostavi dodatnu dokumentaciju. Ista je dostavljena u ostavljenom roku.

Pregledajući dodatnu dokumentaciju Komisija je utvrdila da je ponuđač KONZORCIJA: „Siddik“ d.o.o. Poljice i „Adab“ d.o.o. Poljice dostavio potvrde općinskog suda u Tuzli broj: 032-0-Su-2-16-002465 od 07.12.2016. godine i 032-0-Su-2-16-002479 od 08.12.2016. godine, a nije dostavio potvrde Suda BiH kako je traženo tačkom 12.2. tenderske dokumentacije.

Uzimajući u obzir gore navedeno, Komisija je u skladu sa članom 68. stav (1) Zakona o javnim nabavkama BiH odbacila ponudu ponuđača KONZORCIJA: „Siddik“ d.o.o. Poljice i „Adab“ d.o.o. Poljice kao neprihvatljivu.

Komisija je predložila ugovornom organu da u skladu sa članom 72. stav (3) tačka b) Zakona o javnim nabavkama BiH i tačkom 12.2. tenderske dokumentacije dodijeli ugovor drugorangiranom ponuđaču "ROADING" d.o.o. Gračanica (Ukupna cijena ponude bez PDV-a iznosi 202.732,50 KM).

Obzirom da ponuda ponuđača "ROADING" d.o.o. Gračanica prelazi iznos sredstava obezbijeđen za ovu nabavku, Komisija se pismenim putem (Akt broj: 02-05-1497/16 od 19.12.2016. godine) obratila ugovornom organu da isti utvrdi da li postoji mogućnost povećanja budžeta i dodjele ugovora, te da pisanim putem obavijesti Komisiju.

Služba za urbanizam, prostorno planiranje i investicije dostavila je akt broj: 05-371/16 od 21.12.2016. godine u kojem stoji da ne postoji mogućnost preraspodjele sredstava sa druge budžetske pozicije u okviru Službe za urbanizam, prostorno planiranje i investicije za dodatni iznos od 16.701,50 KM bez PDV-a. Obzirom da ne postoji mogućnost preraspodjele sredstava sa druge budžetske pozicije odlučeno je da se u skladu sa članom 69. stav (2) tačka e) Zakona o javnim nabavkama BiH poništi postupak javne nabavke za izgradnju i rekonstrukciju primarne distributivne mreže u naselju Poljice Gornje, I Faza, općina Lukavac-LOT 1.

OBRADIVAČ:

Esed Osmanović



OPĆINSKI NAČELNIK

Dr.Sci: Edin Delić

Dostaviti:

1. „WEB STRANICA“ ugovornog organa
2. Evidenciji i
3. Arhivi.-